



Co-funded by
the European Union



Implemented by
giz Deutsche Gesellschaft
für Internationale
Zusammenarbeit (GIZ) GmbH

Broj: 01-5-01-5-476-16

Datum: 18.09.2025.

PREDMET: Poziv za prijavu kompanija za učešće u Mreži energetske i resursne efikasnosti (EREN)

Poštovani privrednici,

Zadovoljstvo nam je pozvati Vas da se prijavite za učešće u Mreži energetske i resursne efikasnosti (EREN) – inovativnom poduhvatu koji se provodi u okviru Centra za odgovorno poslovanje Bosne i Hercegovine (Responsible Business Hub of Bosnia and Herzegovina, dalje: RBH BiH).

Nakon uspješno realizirane prve faze projekta, u okviru koje je identifikovano više od 100 mjera za unapređenje energetske efikasnosti u bh. kompanijama, ulazimo u drugu fazu sa ciljem proširenja mreže i jačanja kapaciteta kompanija u oblasti zelene i digitalne transformacije.

Cilj EREN-a je da podrži kompanije u Bosni i Hercegovini u smanjenju troškova proizvodnje, povećanju konkurentnosti, privlačenju investicija, te jačanju održivog i odgovornog poslovanja kroz:

- ✓ primjenu mjera energetske i resursne efikasnosti,
- ✓ provođenje stručnih energetskih i resursnih audita,
- ✓ edukaciju osoblja o principima zelene ekonomije, karbonskom izvještavanju i regulatornim zahtjevima (npr. CBAM, HREDD),
- ✓ uspostavu sistema praćenja i evaluacije,
- ✓ povezivanje sa stručnim konsultantima i razmjenu najboljih praksi.

Učešće u EREN mreži omogućit će Vašoj kompaniji:

- ✓ detaljnu procjenu potencijala za uštedu energije i resursa,
- ✓ praktične preporuke za poboljšanje efikasnosti poslovanja,
- ✓ podršku u pripremi za međunarodne standarde i zahtjeve tržišta EU,
- ✓ pristup relevantnim informacijama o zelenom finansiranju i regulatornim okvirima.

Ko se može prijaviti?

Poziv je otvoren za sve mikro, male i srednje kompanije registrovane u Bosni i Hercegovini, bez obzira na sektor, koje žele aktivno doprinositi zelenoj tranziciji i ugraditi principe održivosti u svoje poslovanje. Prilikom selekcije biće uzeti u obzir indikatori poput potrošnje energije i količine otpada, te opredijeljenost kompanije za održivost i potencijal za unapređenje efikasnosti.

U mrežu će biti uključeno 10 kompanija koje budu izabrane na osnovu odgovora iz aplikacije. Kriteriji odabira uključuju: evaluaciju energetskih potreba, količinu i vrstu otpada, posvećenost održivom razvoju, potencijal za unapređenje energetske i resursne efikasnosti, kao i značaj izvoza.

Prednost imaju kompanije koje redovno izmiruju obaveze prema VTK/STK BiH!



Co-funded by
the European Union



Implemented by



Šta uključuje učešće?

- ✓ Besplatno učešće u praktičnim obukama - transfer „know-how“-a
- ✓ Besplatno učešće u edukativnim radionicama – investiranje u znanje zaposlenika
- ✓ Izvođenje energetske i resursne audita – utvrđivanje korektivnih mjera za unapređenje energetske i resursne efikasnosti;
- ✓ Povezivanje i umrežavanje sa stručnjacima i drugim kompanijama kroz sistem zajedničkog učenja i razmjene iskustava – GEMBA šetnje;
- ✓ Promocija i zajednička vidljivost putem RBH i partnerskih kanala – odgovorno poslovanje;
- ✓ Jačanje zelenog i održivog lanca vrijednosti „dobavljač- BH kompanija-kupac“;
- ✓ Od 10 kompanija, biće odabrano 5 koje će u saradnji sa partnerom, Sarajevo School of Science and technology razvijati zelene proizvode, usluge i poslovne procese.

Rok za prijavu: petak, 03.10.2025.

Način prijave: Putem online obrasca <https://forms.gle/C99ZForcD6EPguym9>

EREN mreža je korak naprijed ka zelenijoj i otpornijoj ekonomiji Bosne i Hercegovine. Pozivamo Vas da iskoristite ovu priliku i budete dio mreže koja osnažuje održivost, inovaciju i odgovorno poslovanje.

Centar za odgovorno poslovanje BiH, smješten u Vanjskotrgovinskoj/Spoljnotrgovinskoj komori Bosne i Hercegovine (VTK/STK BiH), dio je inicijative Razvoj privatnog sektora u BiH (EU4PSD), koji sufinansiraju Evropska unija i vlada SR Njemačke, a implementira GIZ.

Za dodatne informacije, slobodno nas kontaktirajte na: adela.terek@komorabih.ba ili 033 566 182

S poštovanjem,